

# Tandingan silat antara balai2

*PENCAR SILAT* 19 APR 1983  
PERTANDINGAN silat antara balai-balai rakyat telah dimulakan Sabtu lalu dengan para pesertanya ghairah menunjukkan ketangkasan masing-masing.

Peserta-peserta yang berjaya dalam saringan pertama itu kemudian

akan bertanding lagi dalam saringan kedua yang akan diadakan pada Ahad ini.

Semua pertandingan diadakan di ibu pejabat Persatuan Rakyat (PA) di Kallang.

Peringkat selanjutnya akan diadakan pada 23 dan 24 April ini, sementara peringkat akhir pula akan diadakan pada 30 April dan 1 Mei di Kompleks Sukan Delta.

Dalam peringkat akhir itu, 10 pertandingan bagi lima kelas termasuk Bahagian Kumpulan akan diadakan untuk merebut Piala Sidek Saniff.

Pertandingan itu adalah anjuran bersama PA dan Persekutuan Silat Singapura (Persisi).

Tiket-tiket untuk menyaksikan pertandingan akhir itu kini boleh didapati di semua balai rakyat.

Pertandingan yang julung-julung kalinya diadakan itu disertai oleh 83 orang pesilat.

## Tandingan Berita Minggu akhir silat di Kompleks Sukan Delta

*PENCAR SILAT* 24 APR 1983

PERTANDINGAN akhir kejohanan silat anjuran Persatuan Rakyat (PA) dengan kerjasama Persekutuan Silat Singapura (Persisi) akan diadakan pada 30 April dan 1 Mei ini di Kompleks Sukan Delta.

Setiausaha Parlimen (Perdagangan dan Perusahaan dan Hal-Ehwal Masyarakat), Haji Sidek Saniff, akan menyampaikan hadiah di hari kedua kejohanan itu.

Tiket berharga \$2 untuk menyaksikan pertandingan tersebut bagi kedua-dua hari itu boleh dibeli dari balai-balai rakyat berikut:

Ulu Pandan, Pasir Panjang, Toa Payoh, Marine Parade, Bedok, Kampong Kembangan, Geylang Barat, Geylang Serai, Cairnhill, Dover Road, Marsiling, Kampong Ubi, Telok Blangah;

Tanglin, Kampong Chai Chee, Jalan Pagak, Alexandra, Ayer Rajah, Jurong, Brickworks, Kota Raja, Kim Seng, Radin Mas, Ponggol Point, Kampong Tengah, Kampong Loyar dan Balai Rakyat Ke... Ayer Rajah.

**TIKET-TIKET** untuk menonton pertandingan silat antara balai rakyat anjuran Persatuan Rakyat (PA) dengan Persekutuan Silat Singapura (Persisi) pada Sabtu dan Ahad ini dengan harga \$2 kini dijual di seksyen sukan PA dan Kompleks Sukan Delta, tempat pertandingan itu akan dijalankan. *PENCAR SILAT*  
Seramai 24 orang akan bertanding untuk merebut gelaran jagoh silat dalam kelas mereka — dua peserta kanak-kanak perempuan, empat peserta wanita, 10 peserta lelaki dan lapan peserta kanak-kanak lelaki.